

## Yeshua, Esun Ungi di Israel i Juda; Su Eskudo!!!

Pa e motibu aki **Yeshua, Esun Ungi** a bisa: "No kere of **pensa ku Mi** a bin pa **abolí of anulá** e **Lei òf e Profetanan**; **Mi** no a bin pa **abolí of anulá**, sino pa **kumpli i klarifika**. (**Mateo 5:17**).

**Yeshua: e Lei, e Enseñansa di Dios Tata!!!.**

Despues di e kosnan aki **palabra di SEÑOR** a yega na **Abram** den un **Vishon**, bisando: "No tene **miedu**, **Abram**, **Ami ta un Eskudo** pa bo; bo **Rekompensa** lo ta **masha grandi** mes." (**Genésis 15:1**). I **riba tur kos**, tumando e **Eskudo di Fe**, ku kual boso lo **por paga** tur e **flechanan sendí di e malbado**. (**Efesionan 6:16**).

**Yeshua, Esun Ungi** ta nos **Eskudo**. Asina tambe **Yeshua** a bisa: "Di **Bèrdat**, di **Bèrdat**, **Mi ta bisa boso**, e **Yu no** por **hasi nada di Su mes**, si **no ta algu ku E ta mira e Tata** hasi; pasobra tur loke **ku e Tata** hasi, e **Yu tambe ta hasi** meskos. (**Juan 5:19**).

**Meskos ku Yeshua** a mira **Su Tata multiplika e pan** pa e **hendenan kome**, te ku a **sobra pan pa rekohe**, asina **Yeshua tambe a hasi**. Na dos okashon **Yeshua a hasi e milager** aki. E prome biaha **esnan ku a kome** tabata komo **sinku mil hende hòMBER**, sin konta hende muhé i mucha. Di dos biaha **esnan ku a kome** tabata **kuater mil hende hòMBER**, sin konta hende muhé i mucha.

**Yeshua: e Lei, e Enseñansa di Dios Tata!!!.**

**Awor** a bin un **hòMBER** for di **Baal salisa**, i el a **trese pan di e promé frutanan**, binti pan di puspas i tapushi di mainshi fresku den su saku, **pa e HòMBER di Dios**. I el a bisa: "**Duna e hendenan pa nan kome**." I **su sirbidó** a bisa: "**Kiko? Mi mester parti esaki pa shen hòMBER?**" Ma el a bisa: "**Duna e hendenan pa nan kome, pasobra** asina **SEÑOR** ta bisa: '**Nan lo kome te sobra**.'" Asina el a **pon'é nan dilanti**; i nan a **kome te sobra**, konforme e **palabra di SEÑOR**. (**2 Reinan 42-44**).

Ma **Yeshua** a **kontestá** i a bisa nan: "**Boso duna nan algu di kome!**" I nan a bis'E: "**Nos mester bai kumpra dos shen denario di pan i duna nan di kome?**" I **Yeshua** a bisa nan: "**Kuantu pan boso tin? Bai wak!**" I ora nan a averiguá, nan a bisa: "**Sinku, i dos piská**." I **El** a manda **nan tur bai sinta** na grupo **riba e yerba bèrdè**. I nan a bai sinta den gruponan di **shen** i den gruponan di sinkuenta. I **El a kohe e sinku pannan i e dos piskánan**, i mirando ariba **na shelu El a Bendishoná e kuminda i a kibra e pannan**, i **E** tabata duna nan **na e disipelnan pa pone dilanti di e hendenan**; i **El** a parti e dos piskánan pa tur. I nan **tur a kome keda barika yen**. I nan a **rekohe diesdos makutu yen di e pida pidanan** i tambe di piská. (**Marko 6:37-42**)

Asina aki nos **por mira i tin konfiansa ku e Eskudo di Dios ta protega nos di maldat**. **Yeshua ta nos Eskudo, Yeshua ta nos Kompensa. Yeshua ta nos Eskudo di Fe.**

24 mei 2020

Sea Bendishoná ku e **Amor di Dios Tata; Yeshua Mesias**  
Un Fiel Sirbidó di Dios,  
Remsly L Riley.